

P A R S II.

I N S T R U C T I O

P R O

I N D I V I D U I S S T A B I M I N O R I S.

LIBRARY OF THE UNIVERSITY OF TORONTO

C A P U T I.

PRO TURMAE PRAETORIANAE CAPEL-LANO.

Turmae Capellanus non modo in munere suo spirituali eruditus, ast de-votus quoque, et probus sit, qui universae Turmae Praetorianae bono exemplo praebeat, nec ullis negotiis eum haud concerentibus se misceat.

Is aegrotos diligenter invisere, eisdemque spiritualibus remediis de tempore, et zelose praesto adesse tenetur; quapropter ad id cumprimis adyertendum habet, ne ullus ex neglectu quopiam citra sacram Confessionem, et Communionem moriatur.

Imminente paschali tempore, et quidem duabus hebdomadibus ante, et quatuor hebdomadibus post Pascha omnia, et singula Turmae Praetorianae Individua ad peragendam sacram Confessionem, et Communio-nem moneat, eatenusque concionetur, et num eam peregerint, attendat; Quare unicuius sibi confidenti Schedam peractae Confessionis paschalis admanuabit, quas dein omnes, una cum illis, quae nonnullis Individuis ab extraneis Confessariis dabuntur, in unum colligat, visurus exinde, num quisvis paschalem peregerit Confessionem; qui vero eam hoc tempore praeterlapso haud peregit, is poenam Capellae (Capellanstrafe) incurrit; quem proinde Turmae Capellanus suo loco denunciare tenetur.

Ejus porro obligationis est, singulis dominicis, et festivis diebus, si Cultus divinus ad Aulam peragendus haud impediverit, concionari, et sacros Sermones ad exactissimam cuiusvis Officialis, christiani item, et probi hominis Incumbentiarum adimpletionem dirigere.

Individua Turmae Praetorianae prolibus provisa reflectat, et adstringat, ut illae in christiana Religione instituantur.

Adhaec Turmae Capellanus adcuratum ducat Protocollum, cui

70 Caput I. Pro Turmae Praetorianae Capellano.

omnia inita penes Turmam Matrimonia, Transitus item ex una ad aliam Religionem, Baptizini, et Funera cum Nominis, diei, et anni designacione, non absimiliter poenae Capellae per nonnullos incurrendae inserantur.

Capella Turmae Praetorianae, omnisque eo spectans sacra suppellex ordinate, et nitide semper conservetur, ac super cunctis curae Turmae Capellani concreditis effectibus, is per se subscribendam specificationem, cui penitus destructae, et neo-comparatae res in de- et accrescentiam adcurate inseri debent, Stabali Officiali rem oeconomicam curanti singulis annis exhibeat.

Sacrum Missae Sacrificium non modo dominicis, et festivis diebus, verum quotidie celebret.

Sine indultu Turmae Capitanei neminem copulare audeat, secus periculum incursum, ne ipsò factō e Turma dimittatur.

Non absimiliter cautum eidem est, sine indultu Turmae Capitanei Attestatum de interventa cujuspiam Turmae Praetorianae Individui morte elargiri. Emensa autem stolari Taxa contentus sit, quam si ab egentioribus aedium praetorianarum Mediastinis, et stabuli Famulis haud acceptaverit, id honori eidem cedet.

Sine indultu Turmae Capitanei nemo alter Ecclesiasticorum ad Parochiam Turmae Capellani se ingerat; cum vero hic aliarum etiam Religionum Individua praeeexistant; hinc his aegre valentibus concernentis Religionis Minister aegrotum talem accedere potest.

Officialibus, aliisque Turmae Individuis ne admittat, ut sequioris sexū personas quounque demum sub praetextu ad aedes praetorianas introducant; contravenientes moneat, et si scandalo finis haud imponeretur, rem Turmae Capitaneo insinuet.

Pro esu carnium tempore Quadragesimae a Generali Vicario Castrensi indulatum petat, et pro motivo cumprimis caristiam virtualium adducat; responsum dein, prout omnia alias etiam abinde sibi elargienda Mandata, Turmae Capitaneo referat.

Quousque autem spiritualis ejusdem Iurisdictio, et activitas generatim se extendat, id ex Instructione per praefatum Generalem Vicarium eidem elargita, et secus etiam abinde elargiendis mandatis perspiciat, quibus proinde se quam exactissime conformet.

Caput II. Pro Turmae Praetorianae Auditore. 71

Caeterum Turmae Capellanus in Civilibus, et Criminalibus Iurisdictioni Turmae subest, quapropter etiam substantiae post mortem ejus remansae pertractatio Turmae competit, siquidem unusquisque campestris Capellanus, etiamsi membrum cuiuspiam Religiosi Ordinis sit, quoad peculium quasi castrense libere disponendi plenam potestatem habeat.

Si quidpiam proponendum habuerit, Domus Commandantem aeat.

Ordinaria Mandata per Agminis Coactorem ad eum perferuntur.

C A P U T II.

PRO TURMAE PRAETORIANAE AUDITORE.

Munus, et occupatio Auditoris consistit in accurata Iustitiae Administratione; Is proinde in Iure bene versatus sit, cum primis autem Articulorum militarium fundatam cognitionem habeat, ac una vir justus sit.

Cum Nobilis Turma Praetoriana Hungarica in Iudicialibus, Causis civilibus, remansa post mortem Substantia, et in Pupillaribus a Consilio Aulae bellico dependeat; hinc ordo ipse exposcit, ut de omnibus eventibus in praemissis objectis occurrentibus eidem Consilio Aulae bellico Relationes praestentur.

Quamvis autem Sua Majestas Caesareo-Regia Apostolica Nobili Turmae Praetorianae Ius Gladii clementissime asseruerit, eo nihilominus tendit altissima Intentio Regia, ut juxta Militares Leges pronunciata Sententia ante publicationem Consilio aulae bellico submittatur, et per istud ulterius Suae Majestati repraesentetur, eatenusque altissima Resolutio expectetur.

Turmae Auditori incumbit eo etiam intendere, ut quemadmodum omnes in militaribus objectis emanatae circulares Ordinationes, Rescripta,

72 Caput II. Pro Turmae Praetorianae Auditore.

Patentales, et alia Mandata Nobili Turmae Praetorianae Hungaricae pro statu notitiae, et directione communicabuntur; ita cunctae hujusmodi Ordinationes, quae in primaevō militari pede fundatae sunt, quarumve manutentio utilis, et necessaria est, penes praedictam Turmam in pleno suo vigore conserventur, et sine ulla contradictione in effectum semper deducantur.

Auditor, qui penes Nobile isthac Institutum una Secretarii servitia obit, et cuncta Turmam Praetorianam concernentia Acta cum ejusdem Diplomate, et Regulamento in Archivo sub cura sua conservat, Protocolla quoque cum adnexo juxta ordinem alphabeticum Registro ducat, quibus capitalis Lista (Grundliste) totius Turmae Praetorianae, omnia emanata Rescripta aulica, et praestitae Relationes, non absimiliter occurrentes Iudiciales casus, item omnia ea, quae sive Praerogativas Turmae, sive superatas Controversias ejusdem Intrinsecum respicientes concernunt, inserantur. Caeterum emanatae pro Auditoribus Caesareo - Regiarum Legionum Instructioni se ex integro conformet.

Is porro non admittat, ut sub Inquisitione militari quispiam Assessorum interloquatur, aut Inquisitum in Responsis interrumpat, aut plane sub Examine, vel post illud in Inquisitum asperioribus verbis invehatur, aut eum confundere studeat.

Insuper praecavebit, ne per gestus quispiam, aut capitis nutationem, et his similia signa Inquisito ansa detur Responsa sua modificandi; verum Assessores seriose consideant, ideoque omnes confabulationes, et jocosi sermones devitari debent; secus Auditoris obligatio est, Praesidem pro ponendo remedio interpellare.

Quodsi quispiam Assessorum unam, aliamve circumstantiam hand satis eruderatam, aut neglectam fuisse existimaret, is Praesidem pro jubendo tantisper Inquisiti accessu roget, tum hoc subsecuto, Auditori dubia sua explanet, et opinionem depromat, quo desuper Inquisitus pro comperto constitui valeat.

Quid autem Turmae Auditori tam in criminalium, quam civilium objectorum pertractatione agendum sit, quidve Officii ejus obligatio secum ferat, id in Rei Iudicariae Norma Anno 1754 emanata clare, et per

Caput II. Pro Turmae Praetorianae Auditore. 73

expressum continetur, cui proinde non minus, quam elargitis jam de tempore in tempus, aut in futurum edendis Ordinationibus se conformet.

Acta remansas ab obitu substantias concernentia, Processus item criminales, et alia ad officium Auditoriatūs pertinentia Acta Turmae Auditor in Archivo juxta fasciculos conservet, ut haec adminiculō preeat-tacti ordine alphabetico confecti Registri facilī labore, et illico exquiri valeant.

Si caeterū aliquid proponendum habuerit, Domūs Commendantem adeat.

Ordinaria Mandata per Agminis Coactorem ad eum perferuntur.

Quodsi per diem integrā, aut plane per noctem ex Urbe abesse voluerit, a Domūs Commendantē indultum petat.

Pro eodem arrestō punito duo Officiales ejusdem, quem ipse gerit, Characteris veniam petant, dimissus vero ex eodem, ipse, prout omnis alter, Commendanti grates agat.

Postquam in Turmae Auditorem denominatus est, mox coram deleganda Commissione praescripto Iuramento se obstringat; vestem autem uniformem non hungaricam, ast pro Stabi minoris Individuis praescriptam germanicam gestabit.

Auditorem cum altissimo Suae Majestatis Sacratissimae annuit Turmae Capitaneus suscipit, ad quem proinde in re Officii plene inviatus est, eidemque, prout alteri cuicunque demum Praefecturam Turmae gerenti, debita subordinatione in altissimo servitio subest. Is mandatis, et irrogandis poenis, quemadmodum alii Officiales, ad explendas obligationes stringi potest, privatae vero correspondentiae ducendae cura, aut quicunque alii privati labores ei praeter voluntatem vi imponi neutiquam possunt. Occasione enasciturae in Officio hocce vacantiae Auditoris ex hungara Natione caeteris paribūs praeférens ratio habenda est.

Quemadmodum autem Auditor occasione suaē receptionis super peritia Iuris, ac honestae vitae ratione censoreo Consilii Aulae bellici Decreto se legitimare, tum proba vita sua, ac servitii zelo omnibus caeteris bonum exemplum dare debet; ita ejusdem muneris id quoque sit,

74 Cap. III. Pro Turmae Praetor. Computum Duct.

ut in limitibus humanitatis, affabilitatis, et decoris in conversatione cum Praetorianis Militibus, eorumque Praepositis se contineat, et in genere bene comportet, ad nimiam attamen familiaritatem haud se immittat, ut in momento Officio suo ab omnibus secundariis finibus, et favoribus in administratione Iustitiae integer maneat, nec perdendae communis aestimationis aequo, justo, et severo Iudici propriae periculum incurrat. Prout autem hac ratione ab occasione se dissensionibus miscendi procul remotus erit; ita nec ad iniquas actiones se unquam adhiberi sinat, ast constanter honeste, sobrie, sine omni partium studio, ac conscientiose omnia agat.

Is porro in auctoritate Officio Iudicatus adhaerente conservetur, cum secus necessaria fiducia destitutus pro viro integrae fidei, et justo neutiquam haberi possit.

Nisi ipse desideraverit, aut Processu mediante convictus fuerit, e Turma dimitti haud potest.

CAPUT III.

PRO TURMAE PRAETORIANAE COMPUTUUM DUCTORE.

Computuum Ductor in ducendo Ratiocinio bene versatus, una disinteressatus, conscientiosus, solers, et sobrius sit.

Instructionem qualiter ducendi penes Turmam Praetorianam Ratiocinii pro sui directione clargitam ex asse, et de memoria sciat, quacum ad concernentem Belli Commissarium inviatus est.

Is menstrue Tabellas Intertentionis (Verpflegsslisten), item Ratiocinium perceptarum, et erogatarum pecuniarum, Cassae Diaria, Cassae Protocolla, cum generali haec omnia complectente Tabella (den monatlichen

Cap. III. Pro Turmae Praetor. Computum Duct. 75

Akt), et adnexis Documentis; annue vero praeliminarem erogationum Tabellam (Eventual-Verpflegs-Abrechnung), cum consignatione amictus, et materialium, denique praescripta lustrae acta non modo exacte, ast in praefixo etiam tempore indubie conficiat, et pro accuratia omnium horum Exhibitorum sub onere responsionis caveat.

Praeter statūs totius Tabellam cum exitu singulorum annorum pro Primario Supremo Aulae Praefecto conficiendam, capitalem quoque, et sic dictam nationalem Listam totius Turmae Praetorianae, item servilium equorum Capitalem Listam, juxta praexistentia eatenus formula-ria, elaboret; quapropter ut obligationi huic eo certius, et in praescripto tempore satisfacere possit, duo eidem adjunguntur Fourierii, quos in omnibus debite instruat, et ad labores stringat.

Omnes eventus insinuandos stabali Officiali curam rei oeconomiae gerenti referat.

Ordinaria Mandata deferintur ad eum quotidie per Fourierium, qui dum haec elargiuntur, praesens adsit.

Si aliquo exiverit, rediverit, aut quidpiam petendum, vel quere-
lam ponendam habuerit, Officiale rei oeconomiae curam gerentem ac-
cedat, siquidem adhunc quoad cunctas Obligationes suas, et Subordina-
tionem sine discriminē inviatus sit. Ubi arresto punitus fuerit, duo e
Praetorianis Militibus pro eo veniam petant.

Postquam susceptus est, praescripto Iuramento se obstringat.

Praeter Characterem militaris Officialis, quem eidem Turmae Ca-
pitaneus usque gradum Superioris Locumtenentis conserre potest, praes-
criptam pro Stabo minori uniformem vestem germanicam gestabit.

Is munus sūm penes Turmam Praetorianam eosque deserere
haud potest, quoad Instrumentum absolutorium super rite ducto, et con-
cluso Ratiocinio a sua competentia obtinuerit, sed neque ullus pro Tur-
mae Praetorianae Computum Ductore assummi potest, nisi praevie ex-
aminatus fuerit.

CAPUT IV.

PRO TURMAE PRAETORIANAE PRO- STRATE.

Prostratem Turmae Praetorianae activum, et in re Servitii expertum virum esse oportet. Per eum fiunt omnes Exmissiones, totumque Turmae Praetorianae internum servitium per illum promovetur, et ideo ut illud ex integro sciatur, et intelligatur necessum est; Ex hac causa conveniens erit, ut Praetorianos Milites uno gradu quam Superior Locumtenens praecedat, cui post longiora indefessa diligentia, et zelo praestita servitia, si bonum moralem Characterem his conjunxerit, etiam Equitum Magistri Characterem Turmae Capitaneus exoperari potest.

Is senii, et ordinis, necnon subdivisionum Tabellas, item repartitionis, socialis equitationis (Reitkamaradshaftsstifte), et Exmissionum Listas, ita etiam arestantium Protocolla, et quotidianas Relationes juxta praeeexistenter formularia conficiat, constanter secum gestet, et pro accuratia praettectorum Exhibitorum caveat. Insuper Capitalem Listam Praetorianorum Militum non minus, quam servilium equorum juxta praeeexistenter formularia, denique consignationem super applicatione Praetorianorum in scientiis, linguis, et gymnasticis Exercitiis, Tabellam distributaram quotidie pro praeclectionibus horarum, aliasque Tabellas, et formularia conficiat.

Aequitas, et accuratia in ordinandis Exmissionibus praecipua ejusdem obligationum est; quare cautum eum esse oportet, ne hac in parte nulla querelis ansa praebatur.

Adhaec accuratum ducat Protocollum, cui omnia cujuscunque generis Mandata, Tessera militaris, numerus Individuorum quotidie in ser-

Caput IV. Pro Turmae Praetorianae Prostrate. 77

vitio existentium, omne denique etsi minimum, quod de die in diem accidit, inseratur.

Occasione praestandarum quotidianarum, hebdomadalium, et menstrualium Relationum Prostrates quoque praesens adsit.

Quatuor Secundarios Vigiliarum Magistros, et horum servitia alternative cum illis obeentes quatuor seniores Praetorianos juxta senium, et ordinem, reliquos vero Praetorianos Milites juxta repartitionis, et socialis equitationis Listas ad servitium exmitti faciat, ac ideo suam distribuendi servitii Tabellam (Dienstroster) hac ratione conficiat.

Si Turma Praetoriana, aut pars ejusdem tantum sub ductu unius Superiorum Officialium publice egressa fuerit, eotum cum illa Prostrates quoque egrediatur; quapropter etiam equo, et Agazone provisus est.

Si exmissio quaepiam, aut Vigiliae, aut aliud quodpiam servitii genus contramandatum fuerit, eotum hoc locum amplius non habebit, nisi statio talis jam effective occupata fuisset.

Repartitionis Lista quovis anno nova conficiatur, ideoque Prostrates suo loco reflexionem faciat, ut pro ejusdem confectione Praetoriani denuo mensurentur.

Siquidem autem neminem Praetorianorum ad servitia obeunda exmitti facere audeat, priusquam is Iuramento se obstrinxerit; hinc Praepositos reflectat, casu quo ab uno, alterove neo-suscepto ex oblivione Iuramentum exceptum haud fuisset.

Ubi aliquo exiverit, aut rediverit, vel petendum quidpiam, aut querelam ponendam habuerit, iis se conformabit Praeceptis, quae eatenus Praetorianis Militibus praescripta sunt; Pro eodem autem arresto punito duo Praetorianorum, aut si Equitum Magistri Characterem gerit, ejus Collegae veniam petent.

Utprimum in Prostratem denominatus fuerit, praescripto Iuramento se obstringat.

Si aliquis Praetorianorum, aut alter quispiam arresto punitus fuerit, huic poenam Prostrates annunciat, et frameam ab illo accipiet, eandemque aut Turmae - aut Domus - Commandanti tradet.

Non absimili ratione dimissionem ex arresto punito annunciat. Pro arresto in cubiculo perpresso Prostrati, pro arresto vero apud Agminis

78 Caput V. Pro Turmae Praetorianae Medico.

coactorum subeundo huic posteriori Taxa aresti competit. Ab Equitum Magistro autem inchoando sursum versus duos florenos, retrorsum vero ab Officialibus, et reliquis Individuis, quae Officialibus aequiparantur, nonnisi 45 Xros desument. Reliquum aedium praetorianarum Personale nullam aresti Taxam solvendam habet.

CAPUT V.

PRO TURMAE PRAETORIANAE MEDICO.

Prima Turmae Praetorianae Medici curarum sit, statum unius cuiusvis morbi intime cognoscere; cumque hic eotum quam optime excipi possit, si aegrotum prae oculis habuerit, et de morbi illius circumstantiis exacte percontatus fuerit; hinc quotidie ad minimum semel, et quidem hora 9 matutina in aedibus Praetorianis indubie compareat, quemlibet aegrotum seorsive visitet, et ordinet, qualia nempe medicamenta, qualiter, et quoties sumere, a quibus item quilibet aegrotus abstinere debeat.

Quapropter curabit Turmae Medicus, ut Infirmary necessariis Requisitis, et Mobilibus constanter provisa sit; pro deterioratis autem rebus, ut novae procurentur, a Turmae Praefectura petendum est.

Dum aegrotos visitaverit, Turmae Chyrurgus eum de omnibus informet; quodsi vero Medicus vel minimam negligentiam compererit, rem illico ultra insinuet.

Si morbi alicujus circumstantiae praesentiam Medici de die, aut de nocte exigent, eotum aegrotum omni possibili sollicitudine ipse curret, ejusque morbum observet, siquidem per diligentem aegroti observationem, non raro pessimae sequelae praepediri valeant. Ubi vero ex improviso vocatus extiterit, mox eo sive de die, sive de nocte compareat. Haec autem omnia tunc quam optime assequi poterunt, si cura

Caput V. Pro Turmae Praetorianae Medico. 79

adhibitae fuerit, ut Turmae Medicus in aedibus praetorianis domicilium obtineat.

Quovis die Sabathi Medicus Relationem praestet Domus Com mendanti de numero aegrotorum, et qualitate morborum, quibus affecti sunt, quot item a tempore ultimae Relationis aegroti accesserint, et quot reconvaluerint? Ejus porro obligatio est, venereos morbos fideliter indicare, nec ullo sub praetextu eos celare, aut aliter describere. Occasione autem menstrualis summariae Relationis Medicus quoque apud Turmae Capitaneum compareat, et praescriptam aegrotorum Tabellam pro praeterito mense, una cum Turmae Chyrurgo subscibat.

Quae relate ad Pharmacopolium, ex quo medicamenta accipientur, pro Chyrurgo praescripta sunt, ea Medicus quoque observet.

Quoad aegrotos determinet Medicus, quinam levioris aegritudinis causā, a servitio quidem dispensandi, non tamen ad Infirmary translocandi sint? num porro iidem in cubiculis suis permanere debeant, et cibi a Tracterio ad eos deferendi sint, aut pro communi prandio ire possint? Quodsi aegrotatio plus quietis exposceret, eotum medicus disponat, ut aegrotus ad Infirmary deferatur.

Inter aegrotos, quorum cura Turmae Medico incumbit, non tan tum sola Turma Praetoriana, ast omne eo spectans Personale, consequenter etiam Famulitum pertinet, quorum posteriorum intuitu disponendum est, ut in periculis morbis ad Fratres Misericordiae deferantur, quibus idcirco quotannis 50 floreni per aversionem e Cassa Turmae solvuntur.

Obligationes Turmae Chyrurgo praescriptas Medicus quoque ex asse sciāt, cuius utriusque Incubentia est, etiam extra aedes praetorianas degentia Turmae Individua de tempore in tempus invisere.

Pro aegrotis autem unus e fundo Turmae Praetorianae stipendiis provisus Infirmary famulus existit, quem Medicus debite semper instruat, quid penes aegrotos observare, qualiterve eis servire debeat. Huic resolvi potest exigua adjuta, et pro exigentibus circumstantiis, etiam alter pro auxilio ad tempus aliquod adjungi; qui posterior de tempore in tempus ex hujate Invalidorum domo accersendus, eidemque ad ordinarium,

80 Caput V. Pro Turmae Praetorianae Medico.

quod alioquin percipit stipendium, adjuta aliqua e fundo Turmae resolvenda est.

Penes abolitam priorem consuetudinem, vi cuius Praetoriani morbis venereis affecti medicamenta, et alias curae expensas e proprio solvere necessitabantur, res quidem in moderno statu relinqu potest, speratur attamen casus similes rarissime, aut nunquam occursuros esse. Quis vero aegrotorum ad Infirmary deferendus, quis item in cubiculo suo curandus sit, id, prout jam attactum est, ab eo dependebit, quod Turmae Medicus erga praeviam tamen Insinuationem adinvenerit.

Ad Infirmary Officialium nec privati famuli, nec stabuli, aut aliud famulitum illocentur, verum pro his posterioribus aliud distinctum cubiculum deligatur, quoad ad Nosocomium deferri potuerint. Ut vero aegroti necessariis medicamentis, et quidem bonaे qualitatis provideantur, in reliquo autem bene eis serviatur, eatenus Turmae Medicus, et Chyrurgus curam gerant. Speratur attamen, Inspectionis quoque Officialium, et unum stabalium Officialium eatenus constanter vigilaturos esse.

Illis aegrotis, aut in statu convalescentiae constitutis Praetorianis, quibus Medicus proficuum esse adinvenerit, ut serenis diebus salubr aura, et aestivali calore utantur, erga praemissam per Medicum aedium praetorianarum Praefecturae Insinuationem indulgetur, leviore etiam, et commodiore veste indutis sine framea ex aedibus praetorianis exire, et in Pomerio Praesidiali (Glacis) deambulare; ast quoad horam exitus, et redditus praescripto Medici, id quod iste aedium praetorianarum Praefecturae semper insinuare tenetur, se conforment.

Neo-suscepti cuiusvis Praetoriani statum valetudinis Medicus cum accersendo Chyrurgo in praesentia unius stabalium Officialium exacte investiget, ne locus per Iuvenem suppleatur, qui jam Invaliditati appropinquat, aut corporis defectibus, eum pro participando Instituti hujus beneficio inhabilem reddentibus, laborat.

CAPUT VI.

PRO TURMAE PRAETORIANAE CHYRURGO.

Turmae Praetorianae Chyrurgus non modo requisitis artis suaे qualitatibus provisus sit, ast Anatomiam quoque intelligat; hac enim scientia destitutus, majorem operationem suscipere haud potest. Adhaec in arte quoque Medica satis versatus sit, ut internos quoque morbos sanare sciat. Quare pro Turmae Chyrugo nemo suscipiatur, qui in quapiam introregnana, aut extera Facultate Medica in arte Chyrurgica examinatus haud fuerit, eatenusque attestato semet legitimaverit. Eum anatomicis quoque Praelectionibus Viennae interfuisse, et duorum annorum Chyrurgiae cursum aequa Viennae cum profectu absolvisse oportet. Insuper in Regulamentis pro Legionum, et aliarum Cohortum Chyrurgis neoeemanatis, nec non in quaestionibus pro praemiis propostis, aliisque similibus Dissertationibus bene versatus sit, ac tam in Exercitio artis suaë Chyrurgicae, quam in explendis caeteris Obligationibus suis illis se conformet.

Is summopere eo intendat, ne aegroti in medicamentis, cibis, potu, aliisque quibusvis Requisitis defectum patientur; in genere autem necessarias dispositiones ita faciat, ut omnia, quae pro òcio aegrotorum pristinae valetudini restitutione proficia sunt, adhibeantur media. Quod ut facilius assequi valeat, unus Infirmariae famulus ei adjungitur.

Infirmariae lectos, culinam, et cubiculum in summa munditie conservet, ac haec quotidie eventilari faciat, ternisque ad minimum viciibus per diem ibi compareat, utpote: mane dum Medicus medicamenta praescribit, tum vero, quum aegrotis cibi ad prandium, et coenam suppeditantur, qua occasione caetera etiam secus necessaria ordinet, et in

82 Caput VI. Pro Turmae Praetorianae Chyrurgo.

qualitatem ciborum, ac potūs investiget, non absimiliter ad munditiem, et servitum aegrotorum vigilantiam suam convertat. Quodsi extra tempus hoc quidpiam occurrerit, semper quotiescumque necessarium erit, ad Infirmary se conferat, ac graviter, et periculose decumbentes non tam facile deserat, verum subversans periculum illico insinuet, ne provisio aegroti Sacramentis negligatur.

Iuxta adjacens formulare tam hebdomadales, quam menstruas aegrotorum Tabellas in duplo exhibeat, per eum, et Medicum subscrībendas; ad hebdomadales porro, et menstruales Relationes ipse in persona compareat; Quodsi autem quidpiam extraordinarii contingere, id non expectatis Relationum diebūs instantanee aedium praetorianarum Commendanti insinuet.

Si elargitioni Mandatorum interesse praepeditus foret, haec per Agminis Coactorem ad eum deferentur, ipse vero eadem ad Turmae Medicum perferat.

Instrumenta chyrurgica sub custodia sua habet, curet proinde, ne deteriorentur, ast constanter in bono statu conserventur. Consignationem eorum Stabali Officiali rei oeconomiae curam gerenti admanuet.

Occurrentes operationes Turmae Chyrurgus propria manu perficiat, nec tamen pro illis, aut aliis suis fatigiis quampiam remunerationem praetendat.

Accrescentiam aegrotorum Chyrurgus quotidie Medico insinuet, et si quispiam ex improviso graviter aegrotaret, Medicum illico advocari faciat.

Medicum aegrotos invisentem, et medicamenta praescribentem semper comitetur, eundemque informet, qualiter haec, aut illa praescriptio effectuata, qualisve effectus subsecutus sit.

Medicamenta, quae praescribentur, ex Pharmacopolio aedibus praetorianis vicino, et ad Sanctum Ulricum nuncupato, aut, si ibi suppeditata ad contentum haud forent, ex alio quopiam Pharmacopolio accipientur, et toties quoties Recipe Medici, vel Chyrurgi, ibi relinquatur. Ut vero persolutio medicamentorum quovis mense subsequi possit, eo res invianda est, ut cum exitu singulorum mensium Pharmacopola omnium Turmae Praetorianae Individuis suppeditatorum me-

Caput VI. Pro Turmae Praetorianae Chyrurgo. 83

camentorum specificationem cum adnexis Recipe Computuum Ductori admanuet, qui excontentationem Pharmacopolea erga quietantiam procuraturus est. Hic attamen observandum est, ut nomen aegroti pro quo medicina accepta est, in Recipe, et quidem superiori illius parte clare, distincte, et legibiliter, ita etiam Datum diei, et mensis praenotetur, tali terque praecaveatur, ne ex neglectu praemissorum, ac enascituris exiude dubiis unum, aliudve Recipe Chyrurgo, aut Medico imputetur, et oneri cedat.

Turmae Chyrurgi obligatio adhuc ea est; summam nempe vigilantiam eo convertere, ne aegroti ullum quidem in requisitis medicamentis defectum patientur, ast ne haec etiam sine causa, ac ita dicendo excessive praescribantur, et profundantur; Quodsi enim similem fraudem ex finibus secundariis exercitam fuisse compertum fuerit, Chyrurgus severissimam poenam, imo dimissionem etiam e servitio expectandam habebit.

Caeterum, quae intuitu periculose, aut leviter aegrotantium, in praecedenti Capite pro Turmae Medico praescripta sunt, ea Chyrurgus quoque observet.

Quum aliquo exiverit, et rediverit, aut quidpiam petendum, vel querelam ponendam habuerit, ad Turmae Secundarium Locumtenentem se convertat, et nonnisi in casu, postquam nullibi quidquam effectuare potest, aut querimonia contra Turmae Capitanei Locumtenentem directa foret, ad Turmae Capitaneum recurrere audet.

Praeter superius attactam vigilantiam, ut aegrotis, et reconvallescentibus praescripta medicamenta, cibi item, et potus bonaे qualitaтis, ac suo tempore suppeditentur, eo quoque extremo modo vigilabit, nec ulla ratione admittet, ut aegrotis quidpiam aliud clam propinetur, aut cibi in cupreis vasis lamina stannea non satis munitis coquantur.

Sub gravissima animadversione ei vetitum est, speciem morborum ex finibus secundariis occultare; quapropter venerei morbi non tantum Medico, et Praepositis fideliter detegendi, verum etiam in hebdomadalibus, et menstruis aegrotorum Tabellis exponendi sunt.

84 Caput VI. Pro Turmae Praetorianae Chyrurgo.

Quamprimum in Turmae Praetorianae Chyrurgum susceptus est,
mox praescripto Iuramento se obstringat.

Turmae Praetorianae Chyrurgus gestat uniformem vestem germanicam, pro Caesareo - Regii Exercitus Chyrurgis praescriptam.

Is denique de actuali aegrotorum statu, nec non de accrescentia, et decrescentia quotidie Relationem Prostrati praestabit, quo iste in statu esse possit, haec quotidianae Relationi suae inserendi.
